



UNIVERSITÄTS-
BIBLIOTHEK
PADERBORN

Universitätsbibliothek Paderborn

Exhortationes|| Ad|| Religiosos

Dirckinck, Johann

Coloniæ Agrippinæ, 1704

Præfatio Ad Lectorem benevolum.

[urn:nbn:de:hbz:466:1-51834](https://nbn-resolving.org/urn:nbn:de:hbz:466:1-51834)



P R Æ F A T I O

Ad Lectorem benevolum.



*Qu*anquam Exhortationes presentes, in omnes Summarii Constitutionum, Societatis nostræ Regulas, ad Tyrones (ordinariè Treviris quinquaginta numeramus) aliosque Patres ac Fratres, in Domino probationis degentes, habuerimus; ita tamen eas concinnavimus; ut paucis mutatis, aliorum quoque Ordinum Religiosis, deservire valeant: quò fructus laboris sese explicaret latius, atque ad plures uberius dimanaret. Quem admodum disertè S. Parens noster Ignacius nos docuit p. 7. Constit. cap. 2. dum ait: Spirituale auxilium impensum multis, anteponendum est illi, quod præstatur paucis: causamque mox subdit: quia bonum quò universalius, eò divinius est. Ac proinde, ut confidimus, tenuis hæc opella nostra,

I. Serviet Tyrorum Magistris, nonnunquam aut debilitate & infirmitate; aut negotiis aliis, temporisve angustia pressis, dum illis interea, binis in hebdomada diebus, juxta præscriptum Regule, dicendum est. quos labor hicce noster, nonnihil sublevare poterit.

II. Serviet Concionatoribus nostris, domesticos intraparietes, singulis aut alternis hebdomadibus Collegas ad perfectionem excitantibus, atque in materia apta, mox reperienda, aut seligenda, quandoque hereticibus; quibus plurima usui futura suggerimus.

III. Serviet Ordinum aliorum Religiosis, vel in Monasteriis propriis, vel in Monialium Asceteriis, perorantibus, quibus quanto subsidio omnes ferè hæc Exhortationes futura sint, Index abunde ostendet.

IV. Serviet Prælati ac Superioribus, in Religiosorum suorum, aut Virginum Sacrarum Investitura panegyrici habituris; quibus tum in præliminaribus, tum in fine de Religiosi status privilegiis ac favoribus, varia suppeditamus.

V. Ser-

Praefatio ad Lectorem benevolum.

V. Serviet iisdem, in professionibus solemnibus, ad proficientes, aut professos, parvales instituturis; quibus quamplurima, de paupertate, castitate, obedientia, Regulari observantia, aliisque virtutibus Religiosis insinuamus.

VI. Serviet quoque Tyronibus illis, ad quos diximus (sunt universim haecenus 180.) qui post facta nostra diu superstites, exhortationes olim auditas legere ac relegere, & lac, quo in vita Religiose infantia passi, educati que sunt, denuò ruminare, gustumque inde & spiritus nutrimentum percipere poterunt.

VII. Serviet postremò Religiosis quibuscunque, vel pro privata, vel pro publica super mensam, lectione, cum de perfectione, omnibusque virtutibus Religioso consentaneis tractet. Neque enim praedicatio duntaxat, sed etiam lectio spiritalis animam nutrit, dum quis escas spiritus delibat, gustat, & ut cum Magno Augustino, loquar, in ventrem memoria demittit, ut postmodum intellectum pascat, voluntatem reficiat & spiritum alias staccescerem, roboret atque confortet.

Atque hic, scopus est & intentio nostra. Quisquis verò haec legerit, ea pro sua prudentia & ingenio gustui ac Instituto suo, nullo negotio, attemperabit. Invenis namque facile est addere aut demere: facile est, quae de Regula nostra adducta sunt, simili Ordinis alterius Regulae, ut de oratione, de devotione, de tentatione, de exhomologesi, de synaxi sacra, de modestia, humilitate, charitate, zelo animarum, aliisque virtutibus Religiosorum, applicare. Facile est, historiis & exemplis (quibus non raro usi sumus, quòd iis juvenis Religiosa delictetur) e penu nostro depromptis, propriae religionis exempla illustrataque facinora substituere: Ac proinde miretur nemo, eandem nos escam diversis adeò Religionibus proponere: siquidem ex eadem mensa, bene instructa, puer & senex, vir & femina, debilis ac robustus alimentum conveniens nanciscitur. In eodem prato, ut scribit Seneca Epist. 107. Bos herbam, canis leporem, ciconia lacertam captat. Pari proinde ratione, eadem Exhortationum mensa diversis Religiosis pabulum congruens dispescere valebit. Ideoque

Conceptus non admodum sublimes, aut vix ingeniorum aquilis perceptibiles; sed faciles, ac Tyronum captivi accommodatos, communiterque e sacris paginis decerptos, selegimus.

Diximus lingua germanicâ, latinâ scripsimus, doctus lectu gratiore, & faciliore pro memoriae exercitio. In hac autem barbariem, quantum licuit,

)()(

fugero

Præfatio ad Lectorem benevolam.

fugere studuimus, latinatam amavimus; sed verborum phalaras & lenocina sectari non sumus: neque enim in jsmodi verba querenda esse duximus, ubi de salute & perfectione agitur. Suspectum redditur, ait *Cardinalis Baronius*, Tom. 3. ad Annum 306. quidquid sūco & figmenti obducitur; pulchriorque enitescit ipsa sua puritate simplicitas, præsertim in spiritualibus & asceticis. Rerum prima mihi, verborum cura secunda, aiebat *Cuspinianus Historicus in Evid. l. l. l. i. s. i.* sicut viri prudentes, ac spirituales, fructus in Libris querunt, non folias flores, non pappos volaticos desiderant.

Exhortationes etiam, multâ, variâque rerum farragine non farsimus, quod hodie dum, nonnullis in more est positum, sed verbi divini, Sanctorum Patrum, Ascetarumque probatissimorum testimonis, et rationibus solidis, proposita stabilimus. Neque enim Auditorum curiositatem pacere, atque oblectare; sed eorum animos ad virtutum solidatum studium ac perfectionem exstimulare & promovere, pro modulo nostro, studuimus, quemadmodum lex Christiana, & Regula sancta imperat.

Thema duplex præfiximus, alterum è paginis Sacris, è Societatis nostræ Regulis alterum: hoc nostris, illud Religiosis aliis deservire poterit, aut pro beneplacito, ejus loco, aliud aptum substitui.

Habes Lector benevole, mentem & intentionem nostram, quam æqui bonique consulere dignare. Quodsi vel unica Exhortatio, aut punctum ejus, tibi, alterive, ad Dei gloriam, proximi ædificationem, & vel ad unum gratiæ ac gloriæ gradum, omnibus mundi thesauris infinuè præstantiorem, acquirendum, servierit; omnem laborem nostrum, abundè compensatum, existimabimus. Ad extremum, id unum, te demissè rogatum velimus, ut corde, ore, opere, & majoris gloriæ divine intentione conjuncti, quos quos valemus, ad vitam IESU Christi Domini nostri, imitandam, perfectionemque in Regulis Religiosis contentam, omni studio & conatu sectandam, ope divine gratiæ, excitare atque inflammare satagamus. Vale mi Lector, & nos sive viros, sive mortuos, domumque æternitatis jam ingressos, in Sacrificiis ac Precibus tuis Sanctis, Deo omnipotenti commenda. Treviris Anno 1703. 18. Junii.

APPRO-